

PRIMA DIE NON IMPEDITA POST IV. JANUARIJ.

IN FESTO

SANCTI TITI EPISCOPI CONFESSORIS.

Missa *Statuit* de Comm. Confessoris Pontificis.

Praet. orat. seq. et Evang.

ORATIO.

Deus, qui beatum Titum Confessorem tuum atque Pontificem apostolicis virtutibus decorasti; ejus meritis, et intercessionem concede, ut juste et pie viventes in hoc saeculo, ad

coelestem patriam pervenire mereamur. Per Dominum nostrum Jesum Christum etc.

Et fit Comm. feriae in Quadrag.

Evangelium: *Designavit Dominus, de Commune Evangelistarum.*

DIE V. FEBRUARIJ.

IN FESTO

SANCTORUM VIGINTI SEX MARTYRUM JAPONENSIIUM.

Missa *Sapientiam Sanctorum* de Communi

plurimorum Martyrum praeter Orationes sequentes.

ORATIO.

Domine Jesu Christe, qui ad tui imitationem pro Crucis supplicium primitias fidei apud Japoniae gentes in Sanctorum Martyrum Petri Baptistae,

Pauli et Sociorum sanguine dedicasti, concede quaesumus, ut quorum hodie solennia colimus, excitemur exemplis. Qui vivis et regnas.


SECRETA.

Suscipe Domine munera, quae in Sanctorum Martyrum tuorum Petri Baptistae et Pauli cum Sociis solemnitate deferi-

mus, et da nobis famulis tuis, ut eorum meritis in confessione tui Nominis stabiles inveniri mereamur. Per Dominum.

POSTCOMMUNIO.

Deus, qui Crucis Mysterium | tercessione ita nos per gratiam
 in Sanctis Martyribus tuis | tuam in fide et charitate con-
 Petro Baptista et Paulo cum | firma, ut nullis a te tentationi-
 Sociis mirabiliter illustrasti, eo- | bus separemur. Per Dominum
 rum, quaesumus, meritis et in- | nostrum Jesum Christum etc.



DIE VII. SEPTEMBRIS.

IN FESTO

BEATAE BRONISLAVIAE MONIALIS
 PRAEMONSTRATENSIS.

Missa *Dilexisti* de Communi Virginum,
praeter Orationes sequentes.

ORATIO.

Domine Jesu Christe, qui hu- | randam celebramus festivi-
 mili crucis tuae sequela | tatem, post praesentis vitae
 ascensiones ad te disposuisti, | aerumnas gloriae tuae partici-
 concede propitius, ut exemplo | pes esse mereamur. Qui vivis
 B. Bronislaviae, cujus vene- | et regnas.

SECRETA.

Virginis tuae Bronislaviae, | fica: ut quae tibi tuo grata sunt
 precibus, Domine Jesu | instituto, gratiora fiant patro-
 Christe plebis tuae dona sancti- | cinio supplicantis. Qui vivis.

POSTCOMMUNIO.

Praesta, quaesumus Domine | tione recolimus, virtutes quo-
 Jesu Christe, ut cujus me- | que proficiendo sectemur. Qui
 moriam sacramenti participa- | vivis.



DIE VIII. DECEMBRIS.
IN FESTO
IMMACULATAE CONCEPTIONIS
BEATAE MARIAE VIRGINIS.

INTROITUS.

Isaiae 61.

Gaudens gaudebo in Domino, et exsultabit anima mea in Deo meo: quia induit me vestimentis salutis: et indumento justitiae circumdedit me, quasi Sponsam ornatam monilibus suis.

Psal. 29. Exaltabo te Domine, quoniam suscepisti me: nec delectasti inimicos meos super me.

✠. Gloria Patri.

ORATIO.

Deus, qui per Immaculatam Virginis Conceptionem dignum Filio tuo habitaculum praeparasti: quaesumus; ut qui ex morte ejusdem Filii tui praevisa eam ab omni labe praeservasti, nos quoque mundos ejus intercessione ad te pervenire concedas. Per eundem Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus: per omnia saecula saeculorum.

R. Amen.

Et fit commemoratio Feriae.

Lectio Libri Sapientiae.

Prov. 8.

Dominus possedit me in initio viarum suarum, antequam quidquam faceret a principio.

Ab aeterno ordinata sum, et ex antiquis, antequam terra fieret. Nondum erant abyssi, et ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar: adhuc terram non fecerat, et flumina, et cardines orbis terrae. Quando praeparabat coelos, aderam: quando certa lege et gyro vallabat abyssos: quando aethera firmabat sursum, et librabat fontes aquarum: quando circumdabat mari terminum suum, et legem ponebat aquis, ne transirent fines suos: quando appendebat fundamenta terrae. Cum eo eram cuncta componens; et delectabar per singulos dies, ludens coram eo omni tempore; ludens in orbe terrarum: et deliciae meae esse cum filiis hominum. Nunc ergo filii audite me: Beati qui custodiunt vias meas. Audite disciplinam, et estote sapientes, et nolite abjicere eam. Beatus homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino.

Graduale. Judith. 13. 25.

Benedicta es tu, Virgo Maria, a Domino Deo excelso, prae omnibus mulieribus super terram.

✠. *Ibid.* Tu gloria Jerusalem, tu laetitia Israel, tu honorificentia populi nostri. Alleluja, alleluja.

✠. *Cant.* 4, 7. Tota pulchra es, Maria: et macula originalis non est in te. Alleluja.

In Missis votivis post Septuag., omissis Alleluja et ✠. sequ., dicitur

Tractus. *Psal.* 86. 1. Fundamenta ejus in montibus sanctis: diligit Dominus portas Sion super omnia tabernacula Jacob.

✠. *Ibid.* Gloriosa dicta sunt de te, Civitas Dei.

✠. *Ibid.* Homo natus est in ea, et ipse fundavit eam Altissimus.

Tempore Paschali omittitur Graduale, et ejus loco dicitur:

Alleluja, alleluja.

✠. Tu gloria Jerusalem, tu laetitia Israel, tu honorificentia populi nostri. Alleluja.

✠. Tota pulchra es, Maria: et macula originalis non est in te. Alleluja.

✠ Sequentia sancti Evangelii
✠ secundum Lucam. *Luc.* 1.

In illo tempore: Missus est Angelus Gabriel a Deo in civitatem Galilaeae, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Maria. Et ingressus Angelus ad eam dixit: Ave, gratia plena: Dominus tecum: benedicta tu in mulieribus.

Credo. quod dicitur per totam Octavam.

Offertorium. *Luc.* 1. Ave Maria, gratia plena: Dominus tecum: benedicta tu in mulieribus. Alleluja.

SECRETA.

Salutarem Hostiam, quam in solemnitate Immaculatae Conceptionis Beatae Virginis Mariae tibi, Domine, offerimus, suscipe, et praesta: ut sicut illam tua gratia praeveniente ab omni labe immunem profiteamur; ita ejus intercessione a culpis omnibus liberemur. Per Dominum.

Praefatio de Beata Maria Virgine. Et te in Conceptione Immaculata. Et dicitur per totam Octavam, etiam in Festis infra eam occurrentibus.

Communio. Gloriosa dicta sunt de te, Maria: quia fecit tibi magna qui potens est.

POSTCOMMUNIO.

Sacramenta quae sumpsimus, Domine Deus noster: illius in nobis culpae vulnera reparent; a qua Immaculatam Beatae Mariae Conceptionem singulariter praeservasti. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus: per omnia saecula saeculorum.

R. Amen.